

VERLOËNINGSGEBED: Afrikaner Broederbond



Efesiërs 6:10-12 “Verder nog dit: *Soek julle krag in die Here en in sy groot mag. Trek die volle wapenrusting aan wat God julle gee, sodat julle op julle pos kan bly ondanks die listige aanslae van die duiwel. Ons stryd is nie teen vlees en bloed nie, maar teen elke mag en gesag, teen elke gees wat heers oor hierdie sondige wêreld, teen elke bose gees in die lug.*”

Amanda Buys se Geestelike Dekking

Hierdie is 'n produk van Kanaan Ministries, 'n nie-winsgewende bediening onder die dekking van Roly, haar eigenoot vir meer as 40 jaar.

*Daar is geen kopiereg op hierdie materiaal nie. Geen gedeelte van hierdie materiaal mag egter gereproduseer en/of aangebied word vir **persoonlike** gewin nie. Alle regte van hierdie materiaal word voorbehou om die Koninkryk van Y'shua HaMashiach¹ / die Here Jesus Christus **ALLEENLIK** te bevorder.*

Vir verdere inligting of die plaas van 'n bestelling, kontak ons asb. by:

Tel: +27 (0) 60 825 5780

Faks: 086 681 9458

e-pos: kanaan@iafrica.com

Webblad: www.kanaanministries.org

Kantoorure: Maandag tot Vrydag, 9vm - 2nm

Nederland

Priscilla Boiten: Media Manager Europe

email: orders@kanaanministries.nl

Kanaan International Website

Website: www.eu.kanaanministries.org

¹ Betekenis: The ANOINTED one

Table of Contents

Voorwoord	4
<i>Riglyne om die afseelgebede te gebruik ...</i>	<i>5</i>
<i>Verklaring van vertrouwe in YHWH se Beskerming</i>	<i>7</i>
Afsël gebed VOOR Berading	8
Verloëningsgebed: Afrikaner Broederbond	10
Afseël gebed NA Bevryding	14
SEËN	15

Voorwoord

Hierdie gebede is opgestel soos sekere aspekte vir ons persoonlik duidelik geword het in die Woord van YHWH en uit ondervinding wat ons opgedoen het in die beradingskamer.

Ons wil geensins hiermee diskrimineer teen enige persone, organisasies en/of politieke partye nie en ons vra ook dat U hierdie boek uit hierdie hoek sal benader.

Wat beteken dit om iets te verloën?

Dit beteken om persoonlike verantwoordelikheid te neem oor iets uit jou verlede en om self hierdie saak aan te spreek en te verwerp. Jy sal nodig hê om die wortel van die saak te gaan navors en dit by sy oorsprong te gaan vernietig en af te sny. Jy weier om enige verdere erkenning daaraan te gee. Deur die oorwinning wat Y'shua² aan die kruis behaal het, kan ek in Sy Naam en deur die Krag van Sy Bloed weier dat enige vloek verdere effek op my lewe het. Die vloek word deur Y'shua se Bloed letterlik gekanselleer.

Sy Woord sê:

Spreuke 28:13 *“Hy wat sy oortredinge bedek, sal nie voorspoedig wees nie; maar hy wat dit bely en laat staan, sal barmhartigheid vind.”*

Ons het gesien hoedat mense bevry word van afgodery en demoniese verbonde waarvan hulle selfs onbewus was, nadat hulle dit bely het en om vergifnis gevra het en weggedraai het daarvan. Ons ervaar hierdie afgodery en demoniese verbonde as 'n aanval teen die Liggaam van Y'shua.

2 Korinthiërs 4:2 *“Maar ons het van die heimlike dinge wat skandelik is, afstand gedoen, en ons wandel nie in listigheid of vervals die Woord van GOD nie; maar deur die waarheid aan die lig te bring, beveel ons ons by elke menslike gewete voor GOD aan.”*

Y'shua roep ons om aktief te soek na vryheid en heling - ten spyte van ons gebrokenheid.

YHWH se WOORD belowe ons:

² *Y'shua* (Hebreeus) is Jesus se regte naam wat beteken "REDDING"- wat beteken: bevryding, redding, veiligheid, welsyn. Ons het geen probleem met die naam "Jesus" nie - dit is bloot die Griekse transliterasie van "Y'shua". Jesus is die naam waarmee die meeste van ons groot geword het. Onthou tog dat Y'shua was 'n Jood van die Stam van Judah, nie 'n Griek nie. Dit gaan min of meer so ... wanneer jy iemand se regte naam ken dan wil jy dit gebruik, daarom gebruik ons *Y'shua* in plaas van Jesus. Nog 'n baie sterk rede om *Y'shua* te gebruik is dat elke keer wat jy Sy Naam sê, proklameer jy die woord "REDDING". Jy sal ook oplet dat in sekere plekke gebruik ons die regte Naam van die VADER, YHVH. Die Naam word opgemaak deur die Hebreeuse letters, **Yod-Hey-Vav-Hey**, en word algemeen uitgespreek as "Yahweh" of "Jehovah". Ons herhaal deur te sê ons het gekies om hierdie Naam te gebruik omdat YHVH is die VADER se regte Naam.

Jesaja 54:17 “Elke wapen wat teen jou gesmee word, sal niks uitrig nie; elke tong wat teen jou opstaan in die gereg, sal jy weerlê. Dit is die erfdeel van die knegte van die Here en hulle geregtigheid wat uit My is, spreek die Here.”

Riglyne om die afseelgebede te gebruik ...

Jakobus lig dit vir ons uit dat daar twee stappe is om van binding bevry te word:

Jakobus 4:7 “**Onderwerp** julle dan aan GOD; **weerstaan** die duiwel, en hy sal van julle wegvlug.”

Hierdie twee stappe behels:

1. Belydenis van jou betrokkenheid (al was dit onaktief).

Dit is verkieslik dat daar twee getuies, waarvan die een ‘n opgeleide berader moet wees, teenwoordig is wanneer hierdie gebede gedoen word. Die getuies staan saam en getuig saam met die persoon wat bevryding wil ontvang. Hierdie gebede is ook proklamasies en ons wil jou aanmoedig om dit openlik en in geloof te doen, onder die beskerming van die Bloed van Y’shua.

Jakobus 5:16 “Bely mekaar julle misdade en bid vir mekaar, sodat julle gesond kan word. Die vurige gebed van ‘n regverdige het groot krag.”

Jy het nou net die eerste gedeelte van die gebede gehanteer. Die volgende is van kardinale belang en dit is waarom dit so belangrik is dat ‘n opgeleide berader teenwoordig is.

2. Oorlogvoering ... staan op teen die vyand.

Soos wat die Heilige Gees dan tydens die gebede sekere waarhede uitlig, tree die berader nou saam met die betrokke persoon op en begin met geestelike oorlogvoering - vandaar ons gevoel dat dit belangrik is dat daar ‘n opgeleide berader betrokke moet wees.

Met die skryf van die gebede het ons sekere belangrike woorde uitgelig, soos die betrokkenheid van die magte van die duisternis - dit is baie belangrik dat dit spesifiek gehanteer moet word.

Hierdie magte word tereggewys, uit die bloedlyn verwyder en na die Voete van Y’shua gestuur. Onthou om die persoon los te sny van mensgemaakte wette en van instellings en betrokke organisasies.

Onthou, **hierdie gebede is slegs riglyne**. As daar konsepte of afdelings is wat die Heilige Gees vir jou uitlig wanneer jy bid, wil ons jou aanmoedig om die Heilige Gees te vra om jou te lei vir die deurbraak.

Onthou **HY** is ons Volmaakte Leermeester en Berader.

Psalms 110:1 “Die Here het tot my Here gespreek: Sit aan my Regterhand, totdat Ek u vyande maak ‘n Voetbank vir U Voete.”

Hebreërs 1:13 “En aan watter van die engele het Hy ooit gese: Sit aan My Regterhand totdat Ek u vyande gemaak het ‘n Voetbank van U Voete?”

Hebreërs 10:13 “Maar Hy...wag nou verder totdat sy vyande gemaak is ‘n Voetbank van Sy Voete.”

3. Restourasie met die Koninkryk van YHWH.

Ten slotte en uiters belangrik moet die persoon **aangemoedig word** om hom/haar aan die Wet van die Messiah te verbind en daaraan gehoorsaam te lewe.

Galásiërs 3:10 “Want almal wat uit die werke van die wet is, is onder die vloek; want daar is geskrywe: Vervloek is elkeen wat nie bly in alles wat geskryf is in die boek van die wet om dit te doen nie.”

Ons sluit af deur U te seën met YHWH se Woorde:

Mag Hy jou SKILD, jou LIG, jou VREDE (shalom) wees. Mag Hy jou in alles oorwinning gee, en mag jy sy weë ken en SH'MA³ (luister en doen)!

Sy seën oor jou toegebid!

³ Vir verdere studie raadpleeg die artikel “**Sh’ma - A Heraic Concept That Everyone Can Embrace**” deur Willieam G Bullock, sr. Besikbaar op die webwerf.

Verklaring⁴ van vertroue in YHWH se Beskerming

Geen wapen teen ons gesmee sal stand hou nie en elke tong wat teen ons opstaan in oordeel, veroordeel ons. Dit is ons erfdeel as diensknegte van Messiah Y'shua en ons geregtigheid is van U. Diegene wat teen ons gepraat of gebid het, of probeer het om ons skade of boosheid aan te doen, of wat ons verwerp het, vergewe ons, en ons seën hulle in die Naam van Y'shua.

Matthéüs 5:43-45 *“Julle het gehoor dat daar gesê is: Jy moet jou naaste liefhê en jou vyand moet jy haat. Maar Ek sê vir julle: Julle moet jul vyande liefhê; seën die wat vir julle vervloek, doen goed aan die wat vir julle haat, en bid vir die wat julle beledig en julle vervolg; Sodat julle kinders kan word van julle VADER wat in die hemele is; want Hy laat sy son opgaan oor slegtes en goeies, en Hy laat reën op regverdiges en onregverdiges.”*

Romeine 12:14 *“Seën die wat julle vervolg, seën en moenie vervloek nie;”*

Nou verklaar ons, VADER, dat U alleen ons VADER is, en dat daar buiten U, geen ander is nie - 'n regverdige HEERSER en Redder, die VADER, die Seun en die Gees - en ons aanbid U!

Ons onderwerp onself opnuut aan U op hierdie dag in onvoorwaardelike gehoorsaamheid. Nadat ons ons aan U onderwerp het, VADER, doen ons soos U Woord voorskryf. Ons weerstaan die duiwel: al sy druk, aanvalle en misleidings, elke instrument of agent wat hy teen ons probeer gebruik. Ons onderwerp ons nie aan hom nie! Ons weerstaan hom, dryf hom van ons af weg en sluit hom uit van ons, in die Naam van Y'shua. Spesifiek verwerp en weerstaan ons enige siekte, pyn, infeksie, inflammasie, kwaadaardighede, allergieë, virusse en enige vorm van toordery.

Laastens VADER, dank ons U dat deur die offer van Y'shua aan die kruis, ons nou nie meer onder die vloek is nie, maar ingegaan het onder die seën van Abraham, wie U seën in alle dinge — verhoging, gesondheid, voortplanting, voorspoed, oorwinning en YHWH se guns.

Galásiërs 3:13-14 *“Christus het ons losgekoop van die vloek van die wet deur vir ons 'n vloek te word - want daar is geskrywe: Vervloek is elkeen wat aan 'n hout hang - sodat die seën van Abraham na die heidene kan kom in Christus Jesus, en dat ons die belofte van die Gees deur die geloof kan ontvang.”*

AMEN!

⁴ Original English version written by Derek and Ruth Prince

Afsël gebed VOOR Berading

(Voor Bevryding, Geestelike Oorlogvoering, Berading, Kursusse, ens.)

Hemelse VADER, ons kom na U in die Naam van Messiah Y'shua van Nasaret. Ons dank U dat U Almagtig is, en ook die Groot EK IS. Ons dank U dat U aan ons die Heilige Gees gegee het as Berader, Helper, Advokaat, Leermeester en Verlosser. Ons dank U vir U teenwoordigheid en U bevrydings-salwing. Dit sal die salwing wees wat die juk verbreek. Kom en vul ons met U Gees, medelye, liefde, onderskeiding, woord van kennis, wysheid, vertolking en insig.

Ons as U kinders, kies om die vlees te kruisig sodat niks van onself hier oorgedra word nie. Ons beklee onself met U priesterlike klere om die roeping wat U op ons lewens het, te vervul. Maak asseblief ons geestelike oë en ore oop, Here.

Dankie VADER, dat U aan ons al die mag oor die vyand gegee het, en dat niks ons kan skade aandoen nie. (**Lukas 10:19**).

Heilige Skepper, in die naam van die Ware Messiah Y'shua van Nasaret en kragtens **Judas 8-10** (NIV), vra ek U om alle bose hemelse wesens uit die weg te skuif en om hulle te verbied om te teister, intimideer of weerwraak te neem teen _____ of enige gedeelte van hom/haar, hetsy binne die liggaam of buite die liggaam. Ons petisie U verder om hierdie wesens te verhoed, van watter rang ook al, om enige vlak van geestelike boosheid te stuur as weerwraak teen enigiemand hier teenwoordig of ons gesinne, families, bedieninge of besittings. Ons vertrou U, ons Soewereine GOD, om dit veilig te maak om vandag hier te werk in die naam van die Ware Messiah Y'shua, ons Verlosser.

Daarbenewens, beoefen ek die gedelegeerde outoriteit van die Opgestane Messiah Y'shua van Nasaret, oor al die laer vlakke van bose geeste en demone wat aangestel is oor _____ (persoon se naam) deur enige hoër vlakke of enige menslike agentskap. Geen sulke demoniese wesens word toegelaat om te verdeel nie en word nou geskei van elke menslike deel van die persoon, of enige gedeelte nou binne in die liggaam waargeneem word, of vasgevang is buite die liggaam. Niks van die bose geestesrealms mag krag oordra na enige ander geeste nie en ook nie vra vir versterkings nie, en moet gebind bly, totdat VADER hulle verskoon. Ek verbied hulle om te martel, pynig, teister, intimideer of om weerwraak te neem teen _____ (naam). Ek doen hierdie dinge in die naam en outoriteit van die Ware, Lewende Messiah Y'shua van Nasaret, en ek is verheug dat my naam geskrywe staan in die Lam se Boek van die Lewe.

Ons verbied enige inmenging met die werk van die Heilige Gees, in Y'shua se Naam.

VADER, ons kom te staan teen enige kommunikasie-lyne (volgens **Efesiërs 6:12**) tussen die magte, wêreldheersers, owerhede, geestelike magte en demoniese magte in die lug, op die aarde, in die hemelse sferes en onder die aarde. Ons maak alle in- en uitgange toe, in die Naam van Messiah Y'shua.

Ons vra dat alle geestelike kameras en opnemers vernietig sal word in JESUS Naam. Ons kom te staan teen enige hekse, toordokters, towenaars en goëlaars in die Naam van Messiah Y'shua.

Ons sny alle kommunikasie met satan self en maak die deure toe in die Naam van Y'shua.

Ons verbied enige gees van buite om hierdie plek binne te kom vir watter rede ookal, en ons verbied enige bese gees om na enige ander plek of persoon gestuur te word as gevolg van wat hier gebeur.

Ons verbied nou enige versterkings komende van satan, in die Naam van JY'shua. VADER, ons vra dat U verwarring sal skep in die vyand se kamp.

VADER, ons vra U om U oorlogs-Engele op te stel in hierdie vertrek en enige mensgees, gestorwe mensgees, geestesleier, of familiêre gees te arresteer en hulle te verwyder tot onder die voetbank van Messiah Y'shua ons Verlosser.

Ons bind elke bese gees in hierdie plek en verbied enige geweld, manifestasies en pynigings, in die Naam van Messiah Y'shua. Ons weier enige meditasie-sirkels, en isoleer enige mag van demoniese kragte van mekaar, in die Naam van Messiah Y'shua. Ons verbied en bind enige hipnose en self-hipnose, meditasie en psigiese kragte, in die Naam van Messiah Y'shua van Nasaret. Ons isoleer die magte van mekaar, in Y'shua se Naam.

Ons reinig die 4 elemente, water, aarde, lug en vuur, met die Bloed van Y'shua. Ons vra U, VADER, om alle spieëls te bedek met die Bloed van Y'shua en alle toegange af te seël in Y'shua se Naam.

Ons kom te staan teen enige vloeke, rituele, oproepinge, towerspreuke, offerandes of altare wat teen ons en die persoon opgerig staan, in Y'shua se Naam.

Dankie dat U nou alle kerse uitblaas wat teen ons aangesteek is in rituele, in Y'shua se Naam. Dankie dat U alle vloeke omdraai in seëninge. VADER, ons vra dat U hierdie vertrek afseël met die kosbare Bloed van Y'shua, en dat U ons sal wegsteek in die Gees en verklaar hierdie vertrek as Heilige Grond. VADER, ons vra dat U dienende Engele sal stuur om ons te bedien in Y'shua se Naam, volgens **Hebreërs 1:14**.

Ons gee oor aan U, Heilige Gees van YHWH, omdat ons weet dat dit nie deur krag of geweld hoef te wees nie, maar deur die Gees, sê U Woord (**Sagaria 4:6**).

Ons vra dat U ons geliefdes bedek en plaas alle omstandighede onder U beheer en beskerming (ons finansies, huwelike, verhoudings, bedieninge). Ons bind nou satan se koninkryk hier op aarde, net soos dit gebind is in die Hemel.

Ons vra U, VADER, om die hemelse hofsaal voor te berei en dat al die demone en familiêre geeste sal kom en hul plekke inneem. Ons vra U, VADER, om die Regter te wees, Y'shua die Advokaat en die Heilige Gees die Getuie. Dankie vir U Woord in **Openbaring 12:11** wat sê dat ons die vyand oorwin het deur die Bloed van die Lam en die Woord van ons getuie, in Y'shua se Naam.

AMEN

Verloëningsgebed: Afrikaner Broederbond

Belydenisgebed vir die Afrikaner Broederbond

(Hierdie gebede het betrekking tot die geheime organisasie van die Afrikaner Broederbond en **nie sy opvolger**, die Afrikanerbond, nie)

(Indien jy 'n Broeder was of 'n afstammeling van 'n Broeder, beveel ons aan dat jy eers hierdie gebed in erns vir jouself en jou gesin bid, en daarna vir jou stad en Suid-Afrika)

Abba, Skepper van die hemel en aarde, ons kom na U toe in die Naam van Messiah Y'shue, U Seun. Ons, die mense van Suid-Afrika, erken en bely dat ons gesondig het in ons land met 'n verskeidenheid sondes van die Afrikaner Broederbond, waaraan sommige van ons voorgeslagte en in party gevalle ook onself, deelgeneem het. Ons bely en verloën die sondes van die Afrikaner Broederbond wat aan ons bekend geword het, en vra dat U Heilige Gees ons sal help om hierdie gebed te bid, want sommige van die sondes van die Afrikaner Broederbond mag dalk nog vir ons versluier wees.

Ons erken, bely en verwerp alle betrokkenheid by die Afrikaner Broederbond van die Afrikaners, ons voorgeslagte en onself, ook namens sommige mense wat goedertrou hierin betrokke geraak het en nooit bewus was van die ware karakter en sonde van die Afrikaner Broederbond nie.

('n Volledige belydenis en bekering van die sonde van die Afrikaner Broederbond word nou aangespreek onder die klassifikasie van die hoofareas van sonde.)

Afgodsdien

Ons bely en het berou oor die sonde van afgodsdien in die Afrikaner Broederbond, waardeur die evangelie van Jesus Christus op verskillende maniere verkeerdlik verteenwoordig was.

- ◆ Ons bely, verwerp en het berou oor die valse geloof dat die Afrikaner volk die uitverkore volk van YHWH in Suid-Afrika is en uitverkies was om Suid-Afrika te regeer.
- ◆ Ons bely, verwerp en het berou oor die leerstelling van Christelike Nasionalisme, waardeur al die klem geplaas is op die verlossing en volksvorming van eerstens die Afrikaner, tweedens die Blanke en laastens die Swartes.
- ◆ Ons bely, verwerp en het berou omdat die Afrikaner Broederbond U Heilige Naam en Woord misbruik het om al hulle aksies en manipulasies van die regering, siviele dienste, besighede, professies, onderwys en opleiding en die drie Afrikaner kerke en ander rasse in Suid-Afrika te regverdig.

Ons bely, verwerp en het berou oor die lering van Apartheid (Afsonderlike Ontwikkeling) wat gevloei het uit die bogenoemde geloofstelsel om die uitverkorenes te skei van die nie-uitverkorenes, ras van ras, etniese groep van etniese groep en daardeur verseker het dat 'n minderheidsgroep 'n meerderheid domineer.

Ons bely, verwerp en het berou oor die veelvuldige gruwels wat uit die beleid van Apartheid en Wit Oppergesag gevloei het, en waardeur wette (vernaamlik die Wet op Rasseklassifikasie en die Groepsgebiede Wet) geskep en, op somtyds brutale maniere, toegepas is, om die uitverkore minderheid te beskerm en dat onbeskryflike ellende, armoede, vernedering, dood en vernietiging aan miljoene ander Suid-Afrikaners veroorsaak is. Ons bely, verwerp en het berou oor die valse geloof dat die beleid van Apartheid vooruit besik was as 'n morele plig en 'n goddelike roeping van God op die Afrikaner.

Ons bely en verwerp die sonde van anti-Semitisme wat deur die Afrikaner Broederbond gepleeg is.

Ons bely en verwerp die aanbidding van die mens toe Broeders die Uitvoerende Raadslede en Broeders in die Kabinet vereer het.

Ons bely en verwerp die wellus van die vlees wat mense na die Afrikaner Broederbond gelok het, soos die wellus na mag, gesag, die liefde vir geld, gierigheid, trots, begunstiging van uitverkores en selfbehoud.

Ons bely, verwerp en het berou oor die net van die Afrikaner Broederbond (met die takke as knope in die net) wat oor die stede en dorpe van Suid-Afrika gegooi is.

Verbreking van verbonde

Ons bely die sonde van die verbreking van die Nuwe Verbond met Messiah Y'shua deur die maak van onheilige verbonde met die Afrikaner Broederbond.

Ons bely, verwerp en verloën die ede (insluitende die eed van geheimhouding) wat geneem is tydens die inisiasie in die Afrikaner Broederbond.

Ons bely, verwerp en het berou oor die misleading en manipulasie van gewone Broeders deur die Uitvoerende Raad van die Afrikaner Broederbond sowel as die ander Broeders in gesagsposisies in die regering, sakesektor, kerk, onderwys en ander professies.

Ons bely en het berou oor die vrees wat die Afrikaner Broederbond by deelnemers gewek het. Ons verwerp alle vrese wat mense in die Broederbond gehou het, veral vrees vir die dood, vrees vir mense en vrees vir sonde as die Christelike Nasionale leerstelling nie gevolg word nie.

Ons bely en het berou oor die beplande verstrikking van andere in die Broederbond.

Ons bely, verwerp en het berou oor die vloeke wat ons op onself geneem het tydens die inisiasie seremonie (veral voor 1974). Hierdie vloeke het meestal te doene gehad met straf vir die verbreking van die geheimhouding van die Afrikaner Broederbond. Ons bely en verwerp spesifiek enige uitnodiging van die dood, doodswense of vloeke wat geneem is.

Ons bely, verwerp en het berou oor die verskeie (geheime) verbonde wat die Afrikaner Broederbond met ander organisasies gesluit het, soos die Ruiterswag (die geheime organisasie vir jong Afrikaners onder die ouderdom van 33 jaar) en heelwat ander Afrikaner kultuur organisasies onder die vaandel van die F.A.K. (Federasie van Afrikaanse Kultuurverenigings) wat as siftingsgronde gedien het vir die Afrikaner Broederbond (bv. Die Rapportryers, Afrikanerkring, ens.)

Ons bely, verwerp en het berou oor die verskeie (geheime) verbonde wat die Afrikaner Broederbond met die drie Afrikaanse susterkerke, maar spesifiek met die Nederduits Gereformeerde Kerk gemaak het.

Ons bely, verwerp en het berou oor die verskeie (geheime) verbonde van die Afrikaner Broederbond met die Nasionale Party, die staatsdiens en para-staats organisasies (vanaf 1948 tot en met hulle ontbinding as geheime organisasie), besigheidsorganisasies en ander organisasies, wat die net van die Afrikaner Broederbond wyer gespan het.

Ons bely, verwerp en het berou oor die feit dat die ware bedreiging van kommunisme en ateïsme deur die Afrikaner Broederbond gebruik is om die Afrikaners te manipuleer tot rasse-haat en –skeiding en teen die Swartes in die land.

Ons bely en het berou oor die feit dat deur die Apartheid beleid, sommige Suid-Afrikaners (van alle kleure, maar meestal Blankes) instaat was om hulself te verryk ten koste van die Swartes. Ons het hulle van 'n lewensbestaan beroof en het die vloek van armoede en veragtering laat voortduur. VADER, ons vra dat U ons sal vergewe wanneer die onderbetaaldes en minderbevoorregtes uitroep teen die oortreders (**Jakobus 5:1-6**). Ons bely en het berou oor die sonde van verskuiwing van grense, misleiding van mense, verdraaiing van geregtigheid, skending van vertroue, seksuele uitbuiting en gebroke verbonde in die naam van Apartheid en in sommige gevalle in U Naam.

Bloedvergieting

Ons bely, verwerp en het berou oor die sondes van die aanbidding van die dood en bloedverbonde (deur die voor-1974 inisiasie seremonie) wat die Afrikaner Broederbond gemaak het, asook die geestelike dood in die lewens van Broeders en hulle gemeenskappe.

Ons bely, verwerp en het berou oor alle optredes van geweld en bloedvergieting teenoor ander rasse in die naam van Volk en Vaderland wat veroorsaak is deur die beleid wat deur die Afrikaner Broederbond geïnisieer en ondersteun is.

Samevatting

VADER, in nederigheid vra ons dat die bloed van U Seun, Y'shua, ons en ons land sal reinig van al hierdie sondes wat ons bely, verwerp en waaroor ons berou het. Reinig ook ons gees, siel, verstand en emosies en elke deel van ons liggame wat geaffekteer is deur hierdie sondes, in die Naam van Y'shua.

VADER, kanselleer asseblief al die vloeke wat ons op ons en ons land gebring het deur die uitbreiding van die sondes van die Afrikaner Broederbond, insluitende vloeke op onself, ons kinders, ons gemeenskappe, die vloek van apartheid-skeiding, misleiding, verwarring, openheid vir afgodsdienste en geestelike dood in verskeie vorme.

Vir die Afrikaners om te bid

Ons as Afrikaners as 'n volk verwerp die sondes van die Afrikaner Broederbond in ons volk en ons keer die rug daarop.

VADER, ons vergewe al ons voorgeslagte vir die effek wat hulle sondes rakende die Afrikaner Broederbond op ons en ons kinders gehad het. Ons bid, in die Naam van Y'shua dat U, die wortel van hierdie sonde nou sal afkap sodat ons en ons nageslagte, van vandag af, vry kan wees van die effek van die sonde van die Afrikaner Broederbond wat gepleeg is deur ons gesin, ons volk en ons land.

VADER, ons verklaar dat die mens in U beeld en na U gelykenis geskape is. Ons het berou oor die geloof dat en ons behandeling van ander rasse-groepe asof hulle ondergeskik en minder-menslik is, en vervolgens nie geregtig was op 'n bestaan nie. Ons vra vergiffenis, in die Naam van Y'shua vir al die vloeke wat ons vrygestel het teenoor nie-Afrikaners. Verwyder asseblief U oordeel van die Afrikaner en van hierdie land. Here, help ons om versoen te word met al die nasies in ons land.

Vir Nie-Afrikaners om te bid

As 'n volk (noem die naam van jou volk, bv. Zoeloe, Indier, Brit ...) verwerp ons die sonde wat die Afrikaner Broederbond in Suid-Afrika gepleeg het. Ons draai ons rug daarop en ons vergewe nou die Afrikaners vir die sondes wat deur hulle en hul voorgeslagte teen ons en ander nasies gepleeg is.

VADER, ons bely in die Naam van Y'shua, dat Satan en sy demone nie meer enige wettige reg het om persone wat wil vrykom uit die bindinge as gevolg van hulle betrokkenheid by die Afrikaner Broederbond, kan mislei of manipuleer nie. **Bring asseblief algehele vryheid vir Suid-Afrika van Apartheid, rassehaat en geforseerde rasse-skeiding.**

Amen!

Afseël gebed NA Bevryding

(vir die berader na Geestelike Oorlogvoering, Berading, ens.)

Hemelse VADER,

Dankie vir die werk wat vandag hier gedoen is. Ons bid teen enige sweepslag, terugslag of oordeel van die vyand, in Y'shua se Naam.

Ons vra VADER, dat U enige ongoddelike gees en sielsbande sal sny wat gevorm is a.g.v. hierdie bevryding wat plaasgevind het; ook enige oordraging wat plaasgevind het tussen hul gees, siel en liggaam na my gees, siel en liggaam. Ons plant die Kruis van Messiah Y'shua tussen myself en die kliënt. Ons dank U dat geen oordraging sal kan plaasvind nie. Ons neem nou omvattende versekering uit vir ons gesinne, alle verhoudinge sowel as alle besittings.

Ons vra dat U hierdie eiendom en hierdie vertrek sal reinig en skoonmaak met die Bloed van Y'shua HaMashiach van Nasaret en U Heilige Vuur, sodat geen demoon homself kan koppel aan enige voorwerp nie, en dat alle mensgeeste en gestorwe mensgeeste verwyder word deur U Geleide Engele na die Voetbank van Y'shua HaMashiach. Ek vra dat alle besoedeling verwyder sal word en weggevee sal word met U Besem van verdelging in Y'shua se Naam.

VADER, ons vra dat U enige waghond- en merker demone wat aangestel is deur die koninkryk van duisternis om die eiendom te merk in die gees vir 'n teenaanval deur astrale projeksie, sal verwyder en plaas onder die Voete van Y'shua HaMashiach.

Ons wil ook die Heerskappy van Y'shua HaMashiach van Nasaret verklaar oor hierdie plek en dat alle openinge afgeseël sal word deur U Bloed. (*Openinge soos: Telefoon, faks, rekenaar, water, riolering, elektrisiteit.*)

AMEN!

<p>Let wel: Onthou om voor VADER te gaan en jouself te stort met die Water van die Woord en in lofprysing en aanbidding te gaan en jouself weer te vul (sien lering oor Mikvah J2F4).</p>
--

SEËN

Númeri 6:24-26

“Y’varekh’kha YHVH v’yishmerekha.

Die HERE sal jou seën en jou behoed.

Ya’er YHVH panav eleikha vichunekka.

die HERE sal sy aangesig oor jou laat skyn en jou genadig wees.

Yissa YHVH panav eleikha v’yasem l’kha shalom.

die HERE sal sy aangesig oor jou verhef en aan jou vrede gee.

Númeri 6:27 *“So moet hulle dan **My Naam** op die kinders van Israel lê; en Ek sal hulle SEËN.”*

